

РУСКИ НОВИНИ

„Руски Новини“ виходва кажди тидень. — Предплата на рок 60 Дин.
Адреса: „Руски Новини“ Р. Крстур.

ЗА РУСИНОХ У ЈУГОСЛАВИЈИ

Видава: Руске Нар. Просв. Дружтво
Редактор: Мих. ФИРАК.

В - И - С - Т - И

ПРОВКТ О АВТОНОМИЈИ

покрајнох у Чехословацкей готови и предани в парламенту да окремна комисија од 6 членох розпатри тото цо стручњаци зложели. Политични комитет зложени од министорох уж приял законски провкт о народних меншинох; по нїм кажда народносц будве мац својо школи и у нїх буду ей учителя, так исто и уряднїци.

АДЮТАНТ ГИТЛЕРА

капетан Видеман бул у Англиї — як новини пишу у приватней работи — и мал друкшу бешеду зос лордом Халифаксом у його доме. Пишу новини же бешеду була о тим цо и як дума Гитлер да ше ушори питане судетских Немцох у Ческей. Розуми же ше Чехи барз стараю о тей визити капетана Видемана. У Англиї и Французкей тота визита добре прията.

ВА УЩОРЕНЕ ЧЕХОСЛОВАЦКЕЈ

держави зробела нови план Англия и Француска. Английски посланик у Прагу бул еден дзень двараз у предс. Ходжи. По тим плану Ческа би постала неутрална держава, а ей неутралносц и гранїци би гарантовали Англия, Французка, Немецка и Русия. З другей страни Ческа би ше мала одрекнуц шицких своїх дотерашнїх воєних соювох, особено зос большевиками, а дала би широку автономию поединим крайом у держави, на першим месце судетским Нїмцом.

АРАБЛЯНЕ

у Палестини и Арабиї и далей водва борбу проци Жидох и Английцох котри жидовску политику помагаю. У борби погинули 9 Жидох и 2 Арабляне. Велї позаверани. Тота борба медзи Араблянами и Жидами не престава, але ше заш поштруе. Арабляне ше не сцу змириц зос думку, да Палестина постане Жидовске царство, бо вони сцу да будзе у їх всеобщим арабским царству. У Хайфи руцели бомбу на улїци од котрей забити 35 особи, а ранено 50. Арабляне штреляли на авта у котрих ше возжели Жидви. Авта чувала полиция и вона штреляла на нападачох. Заш було вецей мертвих и ранетих.

ДО ЧЕСКЕЈ ПОЙДЗЕ

як посредник медзи Ческу владу и судетским Немцами енглески бувши министр Лорд Рансиман зос пристанком Английскей и Французкей. Його задача у тим, да отрима вязу медзи владу и немецку странку, же би ипак дошло до дакого споразуменя, кед би Немци не пристали на терашнї провкт закона, котри предани парламенту.

У МАДЯРСКЕЈ

по повратку министра предвидателя вонкашнїх дїлох явяю пременки у социјалних законах по прикладу Италиї: реформа синдикатох роботнїкох, повишене плаци роботнїком-оцом фамелийох и уреджене найменшей наднїци и организовац дружтва за роботнїкох за вабаву у шлебодним часу. То би ше мало ушориц на конференциї министорох у августу.

Два роки кирвавей Еспанїї.

У Юлу 1936. року вибовкла у Еспанїї страшна домашня война и тераз ше навршело два роки, як ше у Еспанїї, прелїва крв едного истого народа и як сам еспански народ подзелени на два страни и два фронти нїци свою власну жем, палї и бомбами розвалюе власни вароши и валали. Кажда домашня война найстрашнейша, але тота еспанска озда превишела шицки. На другим месце приносиме даскельо слики едного очевидца, як ше живе и цо ше роби под владу еспанских большевицох, а ту лем подаме причину того нелюдского кланя и його наслідки.

Револуцију у Еспанїї дзвигли у Юлу 1936. року еспански патриоти проци кирвавей влади еспанских большевицох. Большевицка влада у Мадриду 1936. р. постала така без оглядна, насилна, же давала отворено як заяцох штреляц своїх процивнїкох небольшевицох, гарала и палела цркви, манастири, преганяла шицки дружтва и поедини особи, котри не сцели и не могли буц большевиками. Тодопило шицким чесним и шоровим Еспанцом и вони ше побунели, а водзел их генерал Франко. З початку влада большевицох мала под собу векшину Еспанїї, але процибольшевицке войско напредовало, брало варош за варошом, край за крайом, бо вшадзи го помагал народ, котри ледво чекал, да большевицох зруци з карку.

Нешка по дворочней борби була би цала Еспания уж шлебодна од кирвавого большевицкого насильства, да епанским большевицом не помагали московски и французски большевици. А и Французка влада, кед на ей чоле стап напобольшевик Жид Блум тиж давала еспанским большевицом вельку помоц.

Але шицко задармо. Еспански народ не мог церпиц того пекла, котре большевици у Еспанїї направели, станул на страну генерала Франка и його народного войска и так нешка тримаю большевици лем трецину Еспанїї, а два трецини живе на шлебоди. З драгу цену купел еспански народ тоту шлебоду, але голем ю тераз будзе знац ценїц.

А на прикладу нещешливей Еспанїї науча ше и шицки народи, цо значи мац добру християнску владу, уживац шлебоду вири, бешеди, и думаня, а цо значи, кед большевики обецују рай на жеми. Як цо человек зна ценїц свою здраве аж теди, кед ше похори, так и ми можеме на прикладу кирвавей Еспанїї увидзиц, яке благо маме, же большевици од нас далеко и же ми уживаме шлебоду, котра припада шицким добрим, чесним и шоровим людзом.

И еспанска война доказала того, цо ше видзело уж у Русиї и на нашей України, же большевизм то циганьство, насилство, понїжене человека, же вон приноси рабство шицким, а рай лем даскелїм їх предняком, же большевик то человек през чесци, през души, през совисци, през вири, през страху пред Богом и зато большевик готови на вшелїяки и найвекши злочини, спревоцки и убойства, бо йому нїч не святе, нїч вон не поштуе, до нїчого нїч не трима, бо його бог то його кишенка и його брух.

Большевици тримаю человека за животиню и сами су наисце дзиви жвири.

Зато їх влада така страшна кирвава и зато розумни и чесни человек од большевика далеко сцєка.

Большевизм найвекши неприятель людского роду. То доказуе и война у Еспанїї. (мф)

Англия и Французка.

Английски краль Юрай VI. врацел ше назад до свој держави. Його торжествене дочековане у Французкей најлєпше указуе у яких добрих односох живо тераз тоти два держави. Кральови английскому Французка зробела вельку воєну параду, подчас його пребиваня у Французкей шефове французкей и английскей войски тримали свою догварки. На каждим крочаю ше старали Французи указац својо приятельство. И сам краль у свој бешеди виявел, же Французка и Англия живо у вельким приятельству и же ма надїю же ше тото приятельство и далей будзе утврждовац.

А то анї не чудо. Хто провадзи политику видзи же у остатнїх рокох тоти два держави ше више баржей ведно тримаю. Англия богата, але ей богатства находза ше у главним у колонийох, особено у Индиї. И Французка ма својо вельки колониялни територии и у Зап. Индиї, а и у Африки як и Англия. А и еднеј и другей держави најблїша драга гу нїм през штрездеземне морїо. Але у тим морю Италия ше розцагла як чизма. Италия сцє буц пан на нїм, як цо була дакеди и римска держава. А тото сцене Италиї не завадзало би им да ше Италия у остатнїх часох так не змоцнела и на морю и у воздуху. Зато Англия и прегваря зос Италию о ушореню односох на тим морю. А гу тому Италия у лепшим приятельству зос ген. Франком. А Гибралтар — дзвери през котри Англия уходзи до средожемного моря — гоче тераз у ей рукох, спада гу епанским жемом и хто зна як Франко будзе на то патриц кед змоцнєв. Грожи им еден неприятель.

Анї еднеј анї другей не на хасен да Италия будзе така моцна на штрездеземним морю. Кельо вони ведно буду од Италиї моцнейши тельо за нїх лєпше. А не будзе им мило анї еднеј кед и Немци достаю назад својо колоний и заш ше осила. И прето настала така гриязносц медзи нїма, бо то гледаю интереси обидвох державох.

Триумфални дні евхаристийного Ісуса.

(Предлужене)

Бліщаці ладі.

Процесія ше приближує гу Дунаю. Зос Пештанского боку леци понад Дунай ракета. У слідуємим часу спод ланцового моста (котри за теряз ише не розшвицени) зос полуцємності появює ше вельки електрични хрест, пліваючи по белавих габох. За нїм ше появюю една за другу 5 бліщаці ладі. Една красша од другей. Тоти чудесни ладі випатраю, як да су зложени зос самих бліщаціх гвиздох. Труп им не видиш, лєм велькозриви пламенї, котри указую їх фурми. Шеста найкрасша стої при гаці. Випатра як да ей шицки три поверхи, комини и цали труп сами ангели зложили зос найкрасших гвиздох. Окремно є преуредзена за вельки олтар од свили и злата. На нїй будзе Евхаристія.

Три ладі уж полни. На едней сами шестри. На других двох вшеліяки делегаций. Медзи нїма и делегация од шицких народох. Процесія уходзи на ладі. На два священство з богословами а на трецю владикове з кардиналами и Кардинал Легат зос св. Тайнами.

Процесія ше руша по Дунаю. На предок пліва вельки криж. За нїм ладя зос шестьрами, за тим ладя зос священством. У слідуємий ладі у одблїску сильного шветла идзе Евхаристийски Спаситель окружени з кардиналами владиками и митрополитами, котри пред нїм слеча. За тим иду два ладі зос делегациями. На гацох з обидвох бокох, над саму воду, тиваю ше езри факльох. Кланяю ше Евхаристийови. Доокола чує ше на пременки шпива на молитва. На прекрасне розшвицинем ланцовим мосту и мосту Єлисавети появюю ше вельки електрични келюхи. Зос златного им штрєдку у белавей фарби швици слика св. Евхаристийи. Так випатраю, ягод да их теряз ангели принесли з неба и положили над воду.

У блїску електричних лампох пліваю по Дунаю ладі. Провадза Ісуса по takiej триумфальной драги, по якей го до теряз можебуц ще ані на єдним конгресу не провадзели...

Ншт тей фантазії, зос котру би себе дахто могол уявиц красоту, блїск и мавстетичноств тей Дунайскей процесії.

Благослов.

О два и пол годзини ладі ше заш врацаю на исте место. Подчас дзвонєня дзвонох, трубеня трубох и велічезного шпиву, главна ладя ше помали руша на штрєдок Дунаю. На ню падаю силни зарї зос околишних будимских брегох. На штрєд Дунаю става. Штири вельки ракети леца горе под небо. Розпукую ше у бліщацім морю шветла и у езрох гвиздох падаю над цалу Будимпешту. Сирени трубя. Зос твердині на Гелертовей гори штрєляю дзела. Дзвони дзвоня. Рефлектори повєкшали свою шветлосц. Кардинал Легат дзвига дароказательніцу и благослови на шицки страни швета. Милийон людзох клєчи на простору од вецей кв. километрох и биючи ше до першох прима благослов.

Огняни хрест у ноци народох.

Процесія ше враца до церкви. На турнох одбива 12 годзини. Силне множество, на чиїх устох не престава писня и молитва, почина ше помали розходзиц.

Нараз нове чудо. Громовити гук потреусє дунайску доліну. Над Гелертову гору небо ше розшвицує и у силним шветлу нараз ше появює вельки бліщаці хрест. На час червени як Ісусова крєв, на час златни як його славна aureola. Доокола хреста пада густи огняни диждж ракетох у вшеліяких фарбох. Над Евхаристию, цо ше враца до церкви, над вирнима цо ше модля и шпиваю, над немирну Европу, над цалим шветом, бліщи ше Ісусов Криж. ..

(Далєй будзе).

Католици у Америци рошню

У сив. Америци єст тараз 21 милийон римо и грекокатоликох. Число католикох фришко рошне. Тєраз єст за 4 милийони вецей як було 1918. року. Католицка церква прицагує гу себе веліх людзох з рижних протестантских сектох, котрих єст у Америци без числа и од котрих каждая учи дацо инше (обично койяки видуманїч рижних „пророкох“, котри су наисце обични спекуланти без нїякей вири).

добрих одношайох, бо и Мадярска ше найвєцей бала од Татарох. У Польскей не було шора медзи князами та их наш княз мушел намиряц. З Литовцами жил вон у приязельству, бо их з початку даскельорази добре побил, та вец ше вони змирели. Своего сина Романа ожєнєл Данил зос австрийску принцєсу Гертриду зроду Бабєнберг и Роман владал кратке време у Бєчу як княз, але потим мушел одступиц пред чєским крєлєм Отокаром.

Зєдинєнє рускей церкви з Римом.

Найважнєйше дїло княза Данила єст його змаганє за Унию, то єст за зєдинєнєм рускей церкви зос апостолским престолем у Риме. Бо гоч ше Русини нїгда не виявели за роздор од Рима, але одцагли їх сами митрополити, котри були Греки зос Цариграду та за нїм вєдно старали ше вше и руски народ од Рима отаргнуц. Початок за догваранє о зєдинєнє зробєл руски владар Петро (випатра же столовал у Перемишлю), котри пришол на церковни собор до Лиону у Французкей и модлєл за Русинох помєц проци Татарох. Вон представєл на собору, же Русини готови каждый час зєдиниц ше зос Римом и охабиц церковни роздор, же княз Данил тиж за тим, лєм треба да западни владаре помєжу Русином ошлєбодзиц ше Татарох. Почали ше догвараня и дописованя медзи Римом и нашим князом, котри ше довершєли з порозумєнєм. *Рокх 1253. прєглашена була Унїя и папски посланик короновал княза Данила и Дорогичинх за крєля.*

На жаль того зєдинєнє не могло ше потримац длужей. Папа Инокентий IV. не могол дац

Тота религийна подзелєноств сектанство то найслабша страна Америки и америкого живота прєто тим вєкши авторитєт — чєст и поштованє ма католицка церква, котра ма точно одрєдзєну науку и у котрей ше не появюю нїяки „пророки“, бо католицка церква ма строгу дисциплину и каждый вирни ма у нєй точно одрєдзєнє своею место, своею права и длужноств. Так вше було и будзе и у тим велька моц и авторитєт нашей католицкей церкви. Хто ше у нєй бунї и сєє буц мудрєйшим и непослушним, фришко од нєй одпадне.

Яка „большев. Испания?“

Войска генерала Франка наступа на Малагу. Коло 15.000 гарєштантох, за чудо, прєруцую до других варошох, гоч то проци їх обичаю, бо обично пред приходом национального войска шицки ше гарєштанти маю штрєляц. Ми прєруцєни до Лєриди.

По драже зос желєзничкей штациї до гарєшту видзєли зме за ноги обєшеного священника у ризох, зос одрубану голову и з надписом: „Прє фашизам сом страцєл ише и голову!“ Вшадзи по драже стрєтали зме так обєшєних хлєсох, жени и дзеци, а над нїма понадписованє: „На тот спосєб ми побєдзимє фашистох“.

Кєд зме пришлї до гарєшту, застановєли нас у вельким дворє дзе булї викопанї 30 грєби. Першим 30 нарєдзєли да поскакаю до тих грєбох, да их випробую чи су добре направєни“. Але вони уж не поставали зос тих грєбох — там їх и позабивали.

На други дзєнь пришла якашик московска делегация. Зос тих нєщєслївих вщєра позабиванїх направєли шпалир, подзєвигали ім прави руки горе, як на фашистични поздрав, и так дочєкали тоту московску делегацию, хторєй вияшнєвовали же то бунтовнїци проци рєпубликанскей Испанїї.

Другого дня нас знова позганяли до дворє и командант Лєриди, — двацєцротни роботнїк прєз нїякей прєшлєсци, але зос велькимє заслугами за большевицку Испанию, бо

Данилови помєц у войнї проци Татарох, а Татарє заш вимагали, да крєль Данил занєга шицки звязи з Римом. 1259. року нападлї вони заш на руски крєй, крєль Данил мушел сам на жаданє Татарох звалєц новозбудовани и утвєрдзєни вароши. Тєй жалосци не могол стари крєль поднєсц — а не могол ані церпиц над собу власц татарску и нєодлуго вон умар. (1264. року).

Крєль Данил Галицки то єден од найкрасших наших старїх князох. Бул мудри енергийни, одважни, а при тим культурни, фини. Вон надвладєл бояроску самоволью и у найчєжших часох и обставинох обновєл галицко-руску державу, котра як зме уж гварєли, була права и чисто руска держава бо жили у нєй лєм сами Русини. (Далєй будзе).

В. Юрєнко.

Зос соловецкого пєкла на шлєбоду.

IV. Дома. (23)

Щєслїво у пьянству млади пари прєжили перши дзєнь, цагали ше други, порозумєвовали штвєрти, а пятого дня женїдба прєсла гласно: Илько забранєл ходзиц вєчерами до мацєри, а вона не слухала. Федора уварєла квашни борщ, и Гаврило любєи сладки. Илько дал Одарки по зубох и вируцал зос хижи, а Гаврило з Федору прєшол ише горше: нагнївана на Гаврила змила му у тим горуцим и квашним борщу голову, а празна миска ше розбила на Федоринєй глави.

НАША ИСТОРИЯ

Владанє Крєля Данила.

Зос чєжким шєрцом покорєл ше князь анил Галицки татарскому ханови. Пошол му не вон поклониц 1245. року аж тєди, кєд хан ослал нароком по ньго и кєд му ше загреєл. И гоч татарска подлєжноств не була вєжка, бо вони брали лєм малку порцию и уцєтали князом вельку шлєбоду, ипак горди анил почал такой по повратку зос Златней рди од хана роздумовац о тим, да ше татарского ярма ошлєбодзи. Прєто вон почал є приправляц за войну и утвєрдзєвац своєю црєши. Волаєл нємецких колонистох, да му идую нови вароши и да их цо лєпше утвєрдза обрану. Так основал княз Данил варош Львов и дал му мєно своего сина, котри ше вєчал Лев-Львов город (варош), котри поздєйше постал главни варош галицкей рускей ржави и нєшка є штрєдок шицкого украинского живота у западних жємох (нєшка под польску).

На сивєр од Львова скоро на руско-польскей гранїци збудовал варош Холм, котри бул наймилши и у нїм княз Данил часто бєбивал. Обновєл город Владимир на Волинї к, же лїтописєц пишє, же такого варошу ані мєци не мали. Зато старєстолиця, Галич на Дунаїстру, заостал, бо прє Татарох не ишла вєй по Днїєстру тарговина до Царгороду.

А на звонка у вонкашнєй политики глєбєл княз Данил найсцє себе чим вецей приятєлох. Зос мадєрским крєлєм Белом жил у

вирек уж вещей як езер осудох на шмерц, як председатель революционного комитета, — тот командант нас поволал да ступиме до большев. войска. Гварел вон нам же уж шицки гарештанти ступели до большев. милициі, же у Французкей, Италиі и Немецкей комунисти уж на влади. Та цошка ані еден ше з нас не являл. Теди нам обецал же кажди будзе штреляни хтори ше сам не яви. На роздумоване нам дал еден дзень. Ютре исто так ніхто ше не явел. Отже, одлучели же нас шицких поштреляю. На 10 годзин, под чежку стражу виведли нас шицких 1.600 вонка з варошу же нас буду штреляц. Пошорели нас до двох шорох и остатніраз нас поволали да ступиме до большев. милициі. У тим самим чаше зачуло ше силне штрелянє у варошу, експлозия гранатох, потим митралези и штрелянє дзелох. Нашо ше стражаре престрашели и почали бежац до варошу, а охабели коло нас шейсцох милиционарох и еден митралез.

Як зме познейше дознали, то бул битка медзи анархистами и трокистами, хтори завжали варош. Ми з тим були спашени, але нас ипак стрепали до гарештох. По драже видзели зме даскельох на улїци забитих з тих стражарох цо нас мали штреляц. Медзи нима и председатель революционного комитета, хторого заклали зос байонетом.

По даскельох дньох сцигнул до Лериди транспорт ранених зос фронту. Зос едного шпиталю були вируцени шицки чежко хори, же да большевици маю места. У цалим краю не було ані едного валушноло дохтора бо и вони були ранети. На концу сцигли двоє: еден белгичанец, а други голандец, хтори пришли до Еспаниі да браня „демократию“. Вони легчеше ранетих большевицкох отправели до касарньох, а перших чежко хорих вируцених вжали назад до шпиталю. Большевици их пре тото осудзели на шмерц же су фашисти.

Того истого дня сцигнул до Лериди еден батальон большевицкей милициі цо ше барз мал виказац у борби проти националистох. Месни Совет большевицкох да ім да одликоване за их храброст подзелел каждому з нїх

Конце бул таки: одведол Гаврило до Илька целїчку и одкупел назад свою Одарку.

На якиш час ше змирело, а чи то так длуго будзе — Господь то едини зна.

— — — — —
Пошедали зме гу вечери. Поприходзели и добри сушеди, цо шмели знац же я ту. Фляшка зос „самогонку“ ишла з рук до рук. Розположенє розквитало.

— Не видзим ту медзи вами Остапа, Литавчука Ивана, а цо зос Павлом Витальским, а зос дядьком Амосом?

— Чежко. Доля тих, цо ши их спомнул ані кус не красша од твоєї. Першого вивезли, другого уж пол рока у цемниці тримаю, Витальски зос цалу фамелию там дзешка у сушедстве, дзе ти бул — на Соловкох.

Дядько Амос постал славни на цали край зос своїм юнацтвами и справедливосцу, приповедали хлапци цали чуда о нїм, як ше борел за права народа против комуни.

Едного дня пришол чекист до валалу, да комин. одбор з бировом у валале вибере 12 найопаснеших людзох на виселєнє. Людзе дознали же буду виганяц на Соловки, вошел страх до шицких.

Зишол ше цали валал. Чекист пречитал 15-ох, а агент Бирюков отворел вдовиту явну бешеду против шицких тих селянох, котри су препрека як камень на драже до щесца — социализму.

— Чи дахто ма дацо пригварец против пречитаних? запитал ше биров Перец.

Вшадзи цихо. У кутох плач. Не усудзел

по еден бон (карту з правом) на дзешец жени, да їх себе виберу по своєї волї. Як дзиви жвири руцели ше тоти „герои“ на нещешливи жени и дзивки. Тоти цо ше процивели були на месту штреляни, а гевтих по силованю руцели до гарешту. У нашим гарешту було 60 таких нещешливицких женох. (Конец будзе).



Руски Керестур.

Калдерма до Вепровачу. О нашей калдерми до Вепровачу уж ше вельо писало и бешедовало. Давдни уж були твардо уверени же з того ніч не будзе. Але наша валаска управа зос паном новтарушом не страцела надїю и вельо робели на тим, да ипак будзе. И удало ше им. Тих дньох пришло од бановини рѣшенє V. число 23269 од 18. юла 1938. року по котрим дотерашня валалска драга Вепровач-Руски Керестур постала бановинска драга. З тим ведно бановина одредзела зос бановинского кулуку, котри ше убера у срезу кулским пол миллион динари припомоц за калдерму, котра ше ма на теї бановинскей драги зробиц, бо жем уж порихтана. Але бановина жада да тераз и валали, Керестур и Вепровач вполня обецанки своїх одборох, же вони свой валалски кулук даю у пенезох же би ше на калдерму створел потребни пенез од 900.000 динари.

Бановина, а преїг нїей державна власц, котру вона за нас представля, дала свойо. Приходзи тераз шор на валал, да свою одлуку вполнїти, да ю вполнї себе самому на хасен, бо калдерма будзе служиц нам Керестурцом гу найблїжшому гайзибану. Як ше нам тот калдерма прида нет такого хто би не знал, кед лем раз по ешеньским блаце мушел пойци до Вепровачу. Кед ше тераз Керестур и Вепровач укаже, — а Шваби ше сигурно укажу, бо вони свойо добро знаю и сцу го —

ше ніхто озвец пред страшними чекистами. Аж нараз явел ше дядько Амос.

— Допуше, дзе ви тих людзох думае вжац — нам то яснє, але поведзце нам же прецо их берете? За чїю их грихи зос валалу вивожице? Браца селяне, цо ше з нами роби... и ми нєми на то...

Ані не доконьчел, а чекист гу ньому прискочел.

— Замалчать, как фамилия (як ше пишеш)? Амос препознал у чекистови жида, ище баржей почал бешїц:

— Я одтадз, а ти одкадз? Хто тебе ту волал, да ти свой порядок нам нацискуеш?

— Малчать, кулацкоє атродив! У карцер забрать ево смєста!

— Цо? ані слова за невиних людзох не даш прегварец? Га дзе же вец наша шлєбода?

— Виконавци, взять ево, кулацкого гада! — дуркнул з ногу чекист.

— Хто гад? Хто кулак? Ти парху! Ти знаш же я кулак? — најжел ше дядько Амос на жида чекиста.

— Малчи, бандїт! и винял нагло револьвер зос футералу.

Людзе прискочели, залармали. Влатели чекистови руку, а револьвер виштрелел до воздуха. Дядько Амос зграбал чекиста за шию и вдерел з цїм так же тот ані дораз не пришол гу себе. Пришли чекистови и домашні комунисти на помоц, але их народ припар моцно и завар до валалскей хижи. Але тераз почали жени свойо, а хлопци ше застарали цо буду далєй.

до ешенї калдерма будзе готова. Треба да свой кулук кажди уплати цо скорей да ше калдерма такой роби. А уплатиц мушиме чи скорей чи познейше. Кед скорей на свой хасен, кед познейше на свою чкочу.

На нас отже стої чи калдерма до ешенї будзе чи не! Помож себе сам, поможе ци и други! А нам други уж помогли, та приходи на нас, да себе и сами поможеме.

Керестурец.

Як лєхко спреведац людзох.

ПРЕДАЛ ЦУДЗУ ХИЖУ. Еден тарговец з овоцу у Ньюорку дознал ше, же якиш богати Италиан сце до дачого пенез уложїц. Представел му ше як агент дружтва цо предава хижи и понукнул му едну красну хижу у штред варошу. Богач ше му опитал за услови плацєня и кед му ше тоти попачели виплацел жадану суму. Пошол превжац хижу, але му шмих влстителя хижи розяшнел цо на ствари. „Агента“ нігда вещей не видзел, бо тот „благовремено“ сцекол.

НОВИ ВИНАХОД. Инши заш випадок таки. Якиш елегантни панцик у финому авту станул пред тарговину з бензином. Замодлел тарговца напољниц резервар з воду. „З воду?“ — пита ше зачудовани тарговец. — „так, з воду“, одвитує подорожни, „я винашол таки кульки, цо кед ше пуцц до води, хасновити су як бензин.“ И наисце рушел авто (з бензином, цо бул на тайним месце причувани). Тарговец ше полакомел на таки „бензиново кульки“ и пар туцета купел. Кед познейше пробовал рушиц свой авто, прешвечел ше же ше авто з воду не гонї.

ЛІКАР ЧУДОТВОРЕЦ. У едном валале случело ше слїдующе: пришол до валалу жобрац еден человек, котри ше правел шлєпим и трудзел ше, да го цо вещей видза же є цемни. О кратки час, як було догварене, привез ше на авту до валалу еден дохтор специјалиста за очи. Тот цемни „випадково“ ше там нашол и дал ше оперирац и — розуми ше, здрави человек препатрел. Людзе як не при себе гарли ше до такого дохтора, котри медзитим

— До лєса. озвал ше еден нешмело.

— За нами до лєса, хто не сце церпиц тоти страхоти, озвал ше дядько Амос.

И добра чета ше назберала. Кажди перше пошол дому по тото цо мал даякого оружя, а вец ше страцели у лєше.

Пред самим поладньом улєцел отряд милициі и почали по обисцох гледац и арештовац. Место Амоса звязали його сина Степана. Пред вечаром цала колона од 317 людзох при йойку женох и дзецох виходзела чекистами обколєна на виселєнє. Ніхто ше од нїх вещей не врацел до валалу. Єст их и по Соловкох и по Сибиру и по цемницох. За Амоса ше ніч не чуло до яри. А на яр почали ше шириц новиви о „Довги Бороди“ (так ше волала чета Амосова). У Демкивци розогнали колектив, и Мишаривци спалєли комун. господарски дом, у Тросянци повишали трох комсомольцох (комин. студентох), у Гранове обколєли пияц и шицку районову милицию. Трецога вечара по тим вноци улєцели 30-ме до нашей валалскей хижи, а агент Бугаец и биров Перец лєм ахнули — препознали лядька Амоса.

— Но цо з вами комунаре тераз зроби-ме? Сами гуторце!

Занємели. Тресли ше.

— На вашу волю ше здавам, плачуци ше озвал биров, я не зос свойого власного розуму тото робим. Мне на то примушели. Каєм ше, даруйце ми живот. Одпокутуем.

— Помилуйце ме, вещей не будзем и дзєцом закажем — клєкнул и Бугаец.

(Далєй будзе).

думаючи же уж досц заробел и злєк ше же го влапя у спревоцки, пофришко сцек.

ТУНІ ПОЛУДЗЕНОК. До карчми пришол еден бидни и питал полудзенок, але ту бо, гварел, не ма пенєжи. Кед ше уж напрудньовал, нароком зробел, да випадне 20 долларова. Качмар ю схопел, одраховал полудзенок, а гевти пенєжи видал. Але банкнота була фалсификована. Качмар придал госца до суду. Суд го ошлєбодзел, бо тот бидни гварел же не ма пенєжи то вст не ма добри пенєжи и гу тому качмар сам банкноту вжал, а не достал ю од госца. И так тот бетяр попри даремним полудзенку ище и заробел.

ШИРОМ ШВЕТА

Трешене жеми було у Греческей 20. т. м. и гоч траяло барз кратко було силне и 23 особи настрадали зос животом а вецей як 80 вст ранетих. Пейц валали цалком розвалени, а вецей барз учкодовани. Коло 3000 людзох остали през крова над главу.

Английски краль подчас свойого побуту у Французкей одкрил памятник вояком зос Аустралији, котри ше борели зос Французами проци Немцох. Краль поволал председателя Французкей п. Лебрена да го нациви у Англии. Новини явяю же би тота визита мала буц у перших трох мєшацох 1939. року.

Мадярски министри подчас побуту у Риму поволали Мусолиниа до Будимпешту. По вистох з Риму Мусолини би мал пойсц до Мадярскей ище того року.

На далеком востоку медзи Японску и Кину война ше водзи и далєй. Вше ше баржей умишує и большевицка Русия, котра на свойо гранїци посла ваще вецей войска и воєного материялу. У остатних часох большевики почали утвердзовац гранїцу при Корей з чим Японци барз незадовольни и протестую. А большевики од часу до часу преходза гранїцу и правя ище векше неприятељство. Кед ше тоти спори не риша на мирни способ Японци готови да вони сами гранїцу виправяю як и и большевики.

Вельке авийонске нещесце трафело ше польскому авиону котри лєцел зос Варшави до Букурешту у самей Румуньскей. Настрадали шицки 14 особи котри лєцели. Авион налєцел на брег и розбил ше.

У Ньюрку комунистична странка послала католицкей странки писмо у котрим их поволуб да ше здружа и вдно робя. Католики одбили тоту поволанку зос вельким обурєньом, бо кажди зна же як ше Церква католицка проциви комунизму.

Драгоцина ствар — огурки.

Шалату з огуркох вола наш народ у галичини „мизерия“ (худобство), а у Бейчу вона ма барз не красне мено „швайнерай“ (швиньство). Але, давно огурки мали вельо иншаку чесц. Лєм даскельо приклади зос огурковей историји укажу нам живот огуркових прабабох — то вст, кед волїце, огуркових прабабох.

Перши любителе огуркох були стари Греки и Римляне. Садзели их до помаранцевих садох, а же би мали цо лєпши смак, садзели коло них пахняци ружи и друге квице. У цалей римскей держави були огурки барз ценєна лакотка. Достац огурки як дарунок була негочяка чесц. Араби и Персиянци поштовали огурки як ридке луксузове едло и лєм богаче могли ше з ним госциц. Кед ше у Смирни (Мала Азия) зродзела перша огурка цали варош славел швето, а кед тоту

огурку одрезовали, шрєляли дзела побидоносно з вароских муροх.

За страшного монголского владара Тимур Ленка приповедаю, же не раз помиловал на шмерц осудзеного, кед достал на дар огурку.

Кед Мугамед II. здобул 1453. року Царгород и зробел го главним варошом держави приредзел з тей нагоди вельки банкет; як окремене едло стали у стриберней миски — огурки. Але два огурки з кухнї скапали. Султан ше розгнївал и дал прєглєдац цалу палату. Злодїя не нашли. Теди султан дал пред себе привесц кухарох и шицким седем сам зос шаблю розрезал жалудок.

У XVII вику у Немецкей еден на шмерц осудзени виявел свойо остатне жаданє — наеще ше огурки. Суд му мушел по тедишним звичаю тото жаданє випольниц. Але дзе достац огурки? Цали тидзень их глєдали и аж о тидзень нашли их на України. Так огурки предлужели злодїйови живот.

У такей то слави жили дакеди огурки, але вст надїї, „не вернеться що дїялось“.

НАША ДЕРЖАВА

НА ХОВАНЄ румуньскей кралїци одпутовал Його Кр. Вис. кнез Павло зос княгиню Олгу. Зос Англии уж скорей пришла Й. Кр. В. кралїца Мария.

ТАЛИЯНСКА воєна флота — цала една дивизия — першираз службено по войны пришла до нашей держави. дочекала их наша воєна морнарица торжєствено у Бокикторскей. То наслідки добрих односох нашей держави зос Италию.

ЗАСТАНОВЕЛА ГАЙЗИБАН при Ябланици блиско Мостару дзивка котра чувала статок на паши. Вона видзела як ше камене одвалєло и спадло на шини и заруцало гайзибанску драгу. Кед видзела же гайзибан приходзи станула пред камене на шинох и махала влаководї да станє. Вон гайзибан застановел и видзел же в преплашєна. А була у страху, же ю вон не послуха, та шицки настрадаю. Путующи зос гайзибаном сцели єй за награду наазберац медзи собу пенєжи, же их очувала од нещесца, але вона виявєла же не сцє нїч, бо вона задовольна же добре дїло зробела и охранила их од сигурней шмерци.

ПРЕДСИДАТЕЉ ВЛАДИ Др. Милан Стоядинович находзи ше на путованю по приморю да сам видзи потреби наших поединих крайох и так цо успишнїйше зможе ше старац за помоц. Председателя владї народ вшадзи сердечно витал.

У САРАЄВУ основане друштво за помоц препадлей младежи. Воно будзе давц помоц худобним дзецом котри при своїм школованю немаю нїкого да ше за нїх стара.

ВЕЉКИ ЛЯД спаднул у околини Вараждинских топлицох. Ляд падал коло 40 минути и у давдних валалох цалком знїщел усиви. Таке вельке опустошенє од ляду не паметаю ани найстарши людзе.

ДОХТОР Окружного Уреду у Новим Саду роботнїкови Живку Гаїч, котри ше поносовал на боль глави, винял подполно здрави зуб и послал го дому. Кед роботнїка глава не престала болїц, а зуб кирварел през седам днї, його не прияли до фабрики на роботу, але му казали най идзе назад до Окружного Уреду лїчиц ше. Але му ту и теди нїч не зробели и написали же ше прави хорим. Його станє було вше горше и його ше штра поволала приватного дохтора. Тот пренашол же його станє барз чешке и послал го до шпиталю, дзе го дохтор оперирал на запалєне

мозга. Операцию поднес, але його живот и тераз у опасносци. Живко худобни роботнїк, а ма стару мацєр котру допатрал и свою фамелию.

КРАДЛИ У СРИМ. МИТРОВИЦИ и околини два цигански банди, котри тераз полиция у векшей часци палапала. Една банда мала 47 членох и на лукави способ окрадали по поединих местох. Док єдни загваряли тарговцох, дотля други крадли. Але у єдним дутяню то осетели накеди циганки повиходзели вонка и їх майсторству пришол край.

ДА ШЕ ЦО ВЕЦЕЙ и цо лєпше вивеже швижа овоц до Немецкей з нашей держави Призад одредзел награди и то 25 динари за 100 кили яблука або грозна и 10 динари за 100 кили шлївкох.

КРАДНУЛ од свойого майстра шегерт Р. Бошкович зос Сараєву, а украдзени пенєж пожичовал людзом. Одал го еден муляр, котри послал до того шегерта да му пошле пенєжи, же би и далєй могл лумповац. Кед му шегерт не послал вон го одал газдови. Шегерт до тераз покраднул од свойого майстра 35.000 динари. Од того лєм даскельо еври скрил на єдним пойдзе, а гевто пожичел. Медзи його длужнїками находза ше и коло 30 поштованих людзох.

В ш е л ѝ я ч и н а

Вайцо ферталькилове знесла кура єдного американского газди, а на гнїзде шедзела три цали тижнї. Випатра як да у шицким американци посцигуо рекорд. — У Бавелу (Швайцарска) винашли сликарски апарат, яки може сликовац и кулю з дзела. Гваря же на секунду може зробиц 80.000 слики. — 100.000 раз увєкшава „надмикроскоп“ яки винашли у Немецкей. На нїм би єдна власа була груба коло 60 метєри. — Игумен забил двох монахох у звади у єдним православним манастире на гори Атосу. — Огурку длугу метєр и 25 цм виховал єден английски заградар. — Невинчана з церкви двараз мушела висц єдна млада Английка. Першираз, бо баш пред самим винчаньом нагло умар парох, котри ю мал винцац, а о пар днї кед сцели почац винчанє, достали вистку, же мац младей нагло умарла. — 272 секти протестантох, адвентистох и других вст по найновїей статистици у Злучених Державох у Америки. — И жена священик може буц, ришел конгрєс английских протестантских пастирох. Цо значи одзелїц ше од правдивей Херкви!

Невредни. Вдовец мєшац по шмерци жени хвалї ше, же ше женї другираз

Приятељ, котри уж мал досц малженского стану гвари му нагнївано:

Хто по першей женїдби сцє войсц до другей, тот невредни, да му жена умре.

КАРЧМА на предай на орек у Коцуре на вельким шоре. Упитайце ше за цену и услови у Яким Янка у Коцуре на Вельким шоре число 91.

ДАВАМ НА ЗНАНЄ

шицким тим цо буду правни свадьби, же у СТАРОГО ПЕКАРА можу добиц

ШИЦКИ СУДЗИНИ

цо потребно за свадьби найлєпше и найтунше. Так исто и ХЛЕБА и шицко инше по найтуншей цени лєм у СТАРОГО ПЕКАРА.